

P. 611, L. 8【本時應身】《法華經大成》卷 7：「靈鷲。指實報土也。餘住處。指方便有餘土。即上餘國。報土即他受用土。若據常在之言。即自受用土。若據寶莊嚴之言。即本時他受用土也。他受用者。即他報身所居之土。名實報土。屬事也。他報是勝應身。從機感見。故名他報。自受用者。即自受用所居之土。名常寂光。屬理也。他報即智慧。」(X32,p.502b11-16)

P. 611, L. -5【天人常充滿】《大乘法苑義林章》卷 7：「自受用土，周遍法界，無處不有。不可說言離三界處、即三界處。若他受用土，或在色界淨居天上，或西方等，處所不定。法花亦言：『眾生見劫盡，大火所燒時，我此土安穩，天人常充滿。』十地所見乃是報土，地前所見乃是化土，隨宜而現，何得定方別指一處。欲令眾生起勝欣心，別指處所。隨心淨處，即淨土處。化土必隨三界處所，任物化生即便現故。」(T45,p.372b22-c1)

P. 611, L. -1【所詮如來壽量】《妙法蓮華經文句》卷 9：「文云「我智力如是，久修業所得，慧光照無量，壽命無數劫」，此是詮量報身如來智慧命也。」(T34,p.128c1-3)《觀無量壽佛經疏妙宗鈔》卷 2：「報即酬報也。修行是因，感於妙報而酬因也。《法華》證智德，經云「慧光照無量，久修業所得」。《大般涅槃》證斷德也。此二果德，酬答修因，是故名報。」(T37,p.207c3-6)

P. 613, L. 5【三世益物】吉藏《法華玄論》卷 1：「此經有十種不可思議：一者化主不可思議，諸餘經典之所無有。……十者開近顯遠，融會真應，無方大用，三世益物。餘教不明，此經獨有，謂身不思議也。」(T34,p.364c8-p.365a22)「今開近顯遠亦具總別二義：〈見塔品〉總明諸佛本迹，〈壽量〉別明釋迦二身。又前直明法身，後品廣釋疑難。又前但明法身，未辨三世益物之用；後品廣明益物義也。又諸佛隨俗凡有二種：一者身、二者命，前明法身常住，後明壽同太虛。又前明無生滅，後辨無始終；無始終者，逸多不見其始，補處豈測其終也。」(T34,pp.370c26-371a4)《法華經大成》卷 6：「開師門之近迹。顯佛地之遠本。法會大眾。悟得毗盧性海。佛地遠本。三世益物。法身常住。化化不窮。無古無今。空劫已前未為始。盡未來際猶未終。極盡窮源。故此四品(13~16)為悟佛知見之文。」(X32,p.482c7-11)

P. 613, L. -2【總結不虛】《妙法蓮華經文句》卷 10：「一行，頌合不虛。開三顯一、開近顯遠，欲令眾生速入佛道，此事必得不虛也。」(T34,p.136a7-9)